

Siunnersuummut nassuiaatit

Nassuiaatit nalinginnaasut

1. Aallaqqaasiut

Akiliisarfik Ilangaassivik pillugu Inatsisartut inatsisaat nr. 30, 28. november 2019-imeersup atuutilernerani ingerlaannartumik akiliisarfimmik, innuttaasunut pisortanut akilinngitsuukkanik akiitsulinnut pinngitsoorani atorneqartussamik, atuutsitsilersinnaanermut inatsisitigut sinaakutissiisoqarpoq.

Inatsit – aammalu akiliisarfik inatsimmi atuutsinneqalertussatut siunertarineqartoq – sulisitsisunut allanullu innuttaasunut pineqartunut ilaatinneqartunut akiliisarfik aqutigalugu aningaasanik tunniussinissamik pisussaaffiliisussaagalarpoq. Tulliullugu akiliisarfik innuttaasut aningaasarsiaannit allanillu nuussinernit pisortanut akiligassanik akiliisitsisartussaagalarpoq, aningaasat sinneruttut innuttaasumut tunniunneqannginneranni. Tamatuma saniatigut akiligassat akiligassanngortut aningaasartaasa annertussusaat apequtaatinnagu innuttaasut isertitaminnit tamatigut qaammammut imaluunniit ullut 14-ikkaarlugit aningaasanik aalajangersimasunik tunineqartarnissaat akiliisarfimmi qulakkeerneqartussaagalarpoq.

Inatsimmut Akileraartarneq Atugarissaarnerlu pillugit Isumalioqatigiissitamit inassuteqaat tunngavigineqarpoq, aammalu aaqjissuussinermut Savalimmiuni ilanngaasiinnginnermi akileraartarnermi aaqjissuussineq isumassarsiorfigineqarluni.

Inatsit atuutilersinneqanngilaq aammalu IT atorlugu periaasissat aaqjiissutissallu pisariaqartut suli ineriartortinneqaratik.

Naalackersuisut naliliipput maannakkorpiaq akiliisarfimmit Ilangaassivimmit allaanerusunik aqutissaqartoq, akiitsut akilinngitsuukkat ineriartornerisa sumiissusersineqarnissaannut atorneqartariaqartunik. Taamaattumik Naalackersuisut isumaqarput tunngavissat pigineqartut tunngavigalugit inatsisip atorunnaarsinneqarnissaa naleqquttoq. Tamatumunnga taarsiullugu akiitsunut akilinngitsuukkanut suliniuteqarnermi suliniutissat allat, suliap ingerlanerani aammalu assigiinngitsutigit akiitsut akilinngitsuukkat pillugit ajornartorsiutinut assigiinngitsunut atorneqartussat, qitiutinneqassapput, soorlu meeqqanut akilersuutit pillugit maleruagassanik allanngortitsineq, aammalu pisortanit ikiorsiissutinut maleruagassanik allanngortitsineq.

Akiitsut akilinngitsuukkat suli ataasiakkaanut inuiaqatigiinnullu annertuumik ilungersornartoqarput. 2021-mut Aningaasaqarnermut Nassuiaammi, Aningaasaqarnermut Nunamullu Namminermut Tunngassutilinnut Naalackersuisoqarfik, allassimavoq, akiitsunut akilinngitsuukkanut suliassat amerliartortut aammalu akiitsut akilinngitsuukkat aningaasartaasa annertussusai ataatsimut katillugit qaffakkiartortut, 2020-mi januaarimit

2021-mi februaarimut akiitsut akilinngitsuukkat ineriartornerisa takutikkaat. Assersuutigalugu meeqqanut akilersuutitut akiitsut akilinngitsuukkat piffissami tassani 11,1%-imik qaffassimapput aammalu ineqarnermut akiliummut akiitsut akilinngitsuukkat 8,4%-imik qaffassimallutik. Kisitsisit COVID-19 eqqarsaatigalugu isiginiarneqassasut ilimanarpoq. Kisianni piffissami aamma Kalaallit Nunaata aningaasaqarnera ajunngitsumik ineriartorsimavoq.

Akiitsuni akilinngitsuukkani tamarmiusuni 1,1 mia. koruunit missaanniittunit 400 mio. koruunit missai meeqqanut akilersuutitut pissuteqarput. Kommunit akiliussisutaata, akiliisussaatitaasup isertitai najoqqutaralugit akiliuteqarnissamut, Naalakkersuisut aaqqissuussinissamik nutaamik siunnersuuteqarnissartik naatsorsuutigaat. Naatsorsuutigineqarpoq suliniutissaq taanna siunissami akiitsut akilinngitsuukkat annertussusaannut sunniissasoq, inuit isertitakitsut piviusorsiortumik akiliisinnaanerannit annertunerusumik meeqqanut akilersuutitut akiliisinneqartanninnissaasa qulakkeerneratigut.

Pisortanit ikiorsiissutit pillugit Inatsisartut inatsisaannut nutaamut ilaatillugit ilaatigut innuttaasut pisortanit ikiorserneqartartut annertussusiliussatut aalajangerneqartumik tunineqartalertussanngorlugit, maleruagassanik atuutsitsisoqalissaaq. Ataqtigiissuni ajornartorsiutit maannakut pisariaqartitsineq malillugu pisortanit ikiorsiisarnermi atuussinnaasut sumiissusersinerisigut, allanngortitsineq ataasiakkaat suliffissarsiornissaannut iluaqutaanerunissaanut iluaqutaassaaq. Suliniutissat innuttaasunut inooqtigiinnermi ilungersornartunut tunngatillugu iluaqutaasussat ukkatarineqarnissaat, tamatuma saniatigut siunnersuummi siunertaavoq, tamannalu assersuutigalugu tassaasinnaavoq akiitsut pillugit siunnersuisarneq.

Akiitsut pillugit siunnersuisarnermut aaqqissuussinnermit misilittakkat pingaarnertigut pitsaasuusimapput aammalu aaqqissuussineq ullumikkut nuna tamakkerlugu atuuppoq. Akiitsunut akilinngitsuukkanut kisitsisit ukiumi ataatsimi qaffannerat imaluunniit apparnerat takuneqartut aaqqissuussinerup sunniutaa pillugu imminermini takutitsinngillat, tassami aaqqissuussineq atuussimannngitsuuppat akiitsut akilinngitsuukkat ineriartornerat qanoq issagaluarnersoq ilisimaneqanngimmat. Suliniutissat allat tamaasa assigalugit akiitsut pillugit siunnersuisarnermut aaqqissuussinerup sunniutaasa najoqqutassiinnaalernissaannut, piffissaq ingerlaqqaartussaavoq.

2. Siunnersuummi immikkoortut pingaarnertit

Siunnersuutigineqarpoq akiliisarfik Ilanngaassivik pillugu Inatsisartut inatsisaat nr. 30, 28. november 2019-imeersoq atorunnaarsinneqassasoq aammalu atorunnaarsitsineq Inatsisartut inatsisaata saqqummiunneqarnerata aqaguani atuutilissasoq.

3. Pisortanut aningaasaqarnikkut allaffissornikkullu sunniutaasussat

Inatsit siunnersuummi atorunnaarsinneqartoq atuutilersinneqarsimangimmat, inatsisip atorunnaarsinneqarnera imminermini allaffissornikkut imaluunniit aningaasaqarnikkut sunniuteqartussaangilaq.

Inatsisissatut siunnersuutip aningaasanut inatsisikkut sunniutissai tassaapput, aningaasartuutitut isertitanullu sunniinerit naatsorsuutigineqartut, inatsisip atuutilernerani pisussaagaluartut, pisussaajunnaarnerat. Atorunnaarsitsinerup aningaasanut inatsimmut sunniutissai 2022-mut aningaasanut inatsimmut ukiumut missingersuusiorfiusunut tassunga atasunut ilaatinneqareerput. Inatsisissatut siunnersuut taamaalilluni 2023-mut aningaasanut inatsimmi annertunerusunik sunniuteqartussaangilaq. Aningaasanut inatsisigut sunniutaasussat, eqikkarneqarsinnaasut makkuupput:

Akiliisarfiup ineriartortinneqarneranut, atuutsinneqalerneranut ingerlanneqarneranullu aningaasartuuteqarnissaq naatsorsuutigineqaralarpoq. Kontup pingaarnerup 92.24.01-ip ataani 3 mio. koruunit sanaartornermut aningaasaliissutit ilaatigut immikkoortinneqarput. Tassunga ineriartortitsinerup atuutsitsilernissamullu tiguisinnaatitaanissamut 26 mio. koruunit immikkoortinneqarput. Ingerlatsinerup aningaasartuutissat ukiumut 5 mio. koruunit missaannut missiliorneqarput.

Siusinnerusukkat taaneqartoq ineriartortitsinerup kinguaattoornera pissutigalugu sanaartornermut aningaasaliissutini aningaasartuutit 200.000 koruunit missai akilerneqareerput.

Sunniuteqarluarnerusumik akiliisarnerup malitsigisaanik Namminersorlutik Oqartussanut kommuninullu iluanaaruteqarnerunissaq naatsorsuutigineqaralarpoq. Ilaatigut sunniuteqarluarnerusumik akiligassanik akiliisitsisarneq pissutigalugu akiitsut akilinngitsuukkat annikinnerusumik ilasarnerisa malitsigisaanik, ilaatigullu akiitsulinnut sinneruttunut sunniuteqarluarnerusumik akiliisitsiniartarnerup malitsigisaanik, iluanaarutissat naatsorsuutigineqaralarput. Taakkunanga iluanaarutissat ukiumut 30. mio. koruunit missaannut missiliorneqarput.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut aningaasaqarnikkut allaffissornikkullu sunniuteqassangatinneqangilaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut imaluunniit pinngortitamut sunniuteqassangilaq. Siunnersuut aamma inuit peqqissusaannut tunngatillugu sunniuteqassangilaq.

6. Innuttaasunut sunniutaasussat

Siunnersuut innuttaasunut sunniuteqassangatinneqangilaq.

7. Sunniutaasussat annertuut allat

Siunnersuut allanik sunniuteqassanganneqanngilaq.

8. Oqartussanut kattuffinnullu il.il. tusarniaaneq

Siunnersuut 2021-mi ulloq 25 oktober aallarnerfigalugu ulloq 29. november tikillugu soqutigisaqartuni makkunani tusarniaassutigineqarpoq:

Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Grønlandske Advokater, SIK, GE, Sulisitsisut, NUSUKA, GrønlandsBanken, BankNordik, ASG, IMAK, Naalakkersuisut Siulittaasuata Naalakkersuisoqarfia, Inuusutissarsiornermut Niuernermullu Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut Suliffeqarnermullu Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Peqqinnissamut Naalakkersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik, Ineqarnermut, Attaveqaasersuutinut Naligiissitaanermullu Naalakkersuisoqarfik, Aatsitassanut Inatsisinillu Atuutsitsinermit Naalakkersuisoqarfik aamma Meeqqanut, Inuusuttunut Ilaqutariinnullu Naalakkersuisoqarfik.

Tamatuma saniatigut siunnersuut piffissami matuma siuliani taaneqartumi tusarniaanermut nittartakkamiitinneqarsimavoq. Tusarniaanermut akissuteqaatini tiguneqartuni immikkoortut pingaarnerit ilanngussaq 1-imi matuma kingulianiittumi eqqartorneqarput oqaaseqarfigineqarlutillu.

Tusarniaanermi akissutitut tiguneqartut pingaarnertut immikkoortuni takuneqarsinnaallutillu oqaaseqarfigineqarput ataani ilanngussaq 1-imi.

Aalajangersakkanut ataasiakkaanut nassuiaatit*§ 1-imit*

Siunnersuutigineqarpoq akiliisarfik Ilangaassivik pillugu Inatsisartut inatsisaat nr. 30, 28. november 2019-imeersoq atorunnaarsinneqassasoq.

§ 2-mut

Siunnersuutigineqarpoq Inatsisartut inatsisaat inatsisip nalunaarutigineqarnerata kingorna aqagukkut atuutilissasoq.

Ilanngussaq 1

Tusarniaanermut akissuteqaatinut allakkiaq

Tusarniaanermut piffissamut killigititap naanerani makkunanga tusarniaanermut akissuteqaat tiguneqarpoq:

GrønlandsBanken, Sulisitsisut, Kommune Kujalleq, Meeqqanut, Inuusuttunut Ilaqutariinnullu Naalackersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfik aamma Ineqarnermut Attaveqaasersuutinullu Naalackersuisoqarfik.

Kommune Kujalleq aamma Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfik siunnersuummut oqaaseqaatissaqarsimangillat.

Matuma kingulianiittuni tusarniaanermut akissuteqaatit nalinginnaasumik allannilerlugit issuarneqarput, Naalackersuisuniit oqaaseqaatit Naalackersuisut er *uingasumik* allassimallutik.

Grønlandsbanken

Grønlandsbanken atorunnaarsitsinissaq pillugu siunnersuut naapertuutinningsutut isumaqarfigaa. Tamatumunnga taarsiullugu aningaaseriviup siunnersuutigaa Namminersorlutik Oqartussat ilusiliamik pisariinnerusumik suliaqarneq ingerlateqqissagaat, soorlu assersuutigalugu Savalimmiuni aaqqiissutissami takuneqarsinnaasutut.

Siullermik pingaarnertullu inatsimmut nassuiaatini allassimavoq inuinnaat pisortanut akiitsui 1,1 mia. koruuninut missiliorneqartut. Akiitsut taakkua ingerlaavartumik qaffakkiartorput aammalu pisortat aningaasaqarnerannut ajornerulersitsillutik aammalu innuttaasut ilai amerlasuut pisussaaffimminnik ingerlaavartumik akiliisartut ersarissumik naapertuutinningsutut saqqummiullugit, ikinnerussuteqartut akiliinngiinnarsinnaallutik aammalu pisortat ataatsimoortumik aningaasaqarnerannut nanertuinnarsinnaallutik.

Akiitsut qaffakkiartunngippata, tamatumunngalu taarsiullugu akiliisitsiniarnermi periaatsimi pitsaanerusumi aammalu pisortat akiliisarnermut aaqqissuussinerat, Ilanngaassivimmik taaneqartoq, aallaavigalugu ikiliartulerpata, pisortat aningaasaqarnerat 30 million koruuninik ukiumut pitsanngoriaateqartassasut, ukiunut tamaginnut siusinnerusukkut inatsisissatut siunnersuummi missingersorneqarpoq. Aningaaserivik isumaqarpoq aningaasat taakkua inuiaqatigiinnut kalaallinut pingaaruteqartut, allannguuteqanngitsumik inissisimanermik allanngortitsisinnaasumik aammalu akiitsut ineriartornerannik allanngortitsisinnaasumik nutaamik suliniuteqarnissaq pingaaruteqarluni, taamaattumillu Ilanngaassivimmut suliaqarnerup ingerlatiinnarnissaa imaluunniit periaatsimik allamik taamaaqataanik sunniuteqartumik suliaqarnissaq kaammattuutugalugu.

Pisariitsumik akiliisitsisarnermi periaaseq Savalimmiuni ingerlalluortoq, Grønlandsbankenip siusinnerusukkut tikkuarpaa. Naapertuutinningsutut pisariisuunera aammalu pisortanut akiitsut akilinngitsuukkat tamakkerlugit ajornartorsiutitut iluarsiviginiarsarineqarnerat, Ilanngaassivimmut ajornartorsiutaasoq ilimanarpoq. Siusinnerusukkut oqaatigineqareersutut Savalimmiuni aaqqissuussinerup erseqqinnerusumik misissoqqissaarneqarneratigut Kalaallit Nunaanni akiitsunik akiliinngitsuuisarnerup ajornartorsiutaanerata ilaa annertoq aaqqiivigineqarsinnaassaaq. Tamanna Savalimmiuni attaveqarfiit aningaaserivimmut oqaatigisimavaat, Savalimmiuni ilusiliineq innuttaasunut imaluunniit suliffeqarfinnut

annertuumik akuliunnertut misigineqanngitsoq, kisiannili periaatsitut innuttaasut pisortanut akiligassaminnik akiliinissaanik aammalu suliffeqarfiit akileraarutinut A-nut il.il. akiligassaminnik akiliinissaannik qulakkeerinnittutut isigineqarluni.

Tamatuma saniatigut pineqarpoq aningaasat innuttaasut pissusissaanngitsumik ataatsimoorluni atuinissamut akilinngitsuugaat, pisortat aningaasaqarnerisa ataqatigiinnissaanut imaluunniit pisortat sullissinerisa pitsaannginnerulerneranik kinguneqannginnissaanut, Kalaallit Nunaanni innuttaasunit allanit toqqaannanngitsumik akilersinneqartassasut. Taakkua marluusut tamarmik naleqqutinngillat aammalu nunatta aningaasaqarneranik ataatsimoortumillu ataqatigiisitsisinnaanermik ajornerulersitsisussaallutik. Taamaattumik akiitsunik akiliisitsiniartarnerup suli ukkatarineqarnissaa pingaaruteqarpoq.

Akiliutissatut aalajangersagaasut, akiitsunut akilinngitsuukkanut arlalinnut tunngavigineqartut, akiliisussaataasup isertitaasa piviusorsioortumik nalilersorneqarnerat aallaavigalugu aalajangersagaasut, aningaaseriviup akuersaarpaa. Tulliullugu 1,1 mia. koruuninik ataatsimut katillugu aningaasartaqartut taakkua akiligassanut akilerneqanngisaannartussanut tunngassuteqartut ilimanartog, aamma akuersaarneqarpoq.

Inatsisartut ukiaanerani ataatsimiinneranni immikkoortoq 24, ineqarnermut akiliutip akilernissaa, maannakkut pisartutut qaammammi ulloq siulleq akilerneqartarneranut taarsiullugu, qaammatip tullianut qaammammi aningaaseriviup ammaffia ulloq kingulleq akilerneqartalernissaanut tunngassuteqartoq, aningaaseriviup aamma maluginiarpaa. Aningaaserivik isumaqarpoq taamatut suliniuteqarneq pisariitsuusoq, kisianni Namminersorlutik Oqartussat pisassaannik qulakkeerinninniarnermi sunniuteqarluartuulluni.

Akiitsunut siunnersuisarnerup naleqarnera aningaaseriviup akuersaarpaa. Suliniut nunani allani takuneqartartoq tassaavoq, nammineq aningaasaqarneq aamma peqqinnartumik aningaasaqarnerup pilersarusiortarnera meeqqat atuarfianni atuartitsinermi ilaatinneqartarnera. Tamanna aamma Kalaallit Nunaanni suliniutissaasinnaavoq, innuttaasut aningaasaqarnerminnik pilersarusiornissamut pisariaqartunik piginnaasaqalersinnissaannut annertoorsuarnik iliuseqartoqartariaqanngitsoq naliliineq aallaavigalugu.

Taamaattoq suliniutit taakkua ineriartornerup mumisinnissaanut naammangitsut aammalu annertoorsuarnik aningaasartuuteqarnissaq pisariaqartoq, aningaaserivik isumaqarluinnarpoq aammalu sullitat aningaasaqarnerannik ukiorpassuarni suliaqarneq aallaavigalugu, Savalimmiut isumassarsiorfigalugu Ilangaassiviup atuutsinneqalerneru annertuumik sunniuteqarsinnaalluni.

Tusarniaanermut akissuteqaat Ilangaassiviup atorunnaarsinneqarnissarpiaanut tunngassuteqarpoq, taamaattumik siunnersuummi allannguuteqartitsinissamut pissutissaqalersitsinani.

Akiligassaminnik akiliinngitsoortoqartarnera taamaalillunilu akiitsoqalertoqartarnera tunngaviummik ilungersornartoqartoq Naalackersuisut isumaqatigaat. Tamanna nunatsinni aningaasaqarnermut malunnaatilinnik nanertuivoq aammalu aningaasaqarnikkut nammagassat, sullissinerup pitsaannginnerulerneratigut, sullissinerit ajornerulernerisigut, atuisut akiliutaasa qaffasinnerulernerisigut imaluunniit akileraarutit qaffasinnerulernerisigut, nunatsinni innuttaasunut allanut tutsinneqarnerannik malitseqarluni. Akiitsut ineriartornerisa

iliuuseqarfigineqarnissaa, arlalinnik pissuteqartumik aalajangiisuulluinnartumik pingaaruteqarpoq.

Taamaattoq Savalimmiut aamma Kalaallit Nunaata akornanni assigiinngissutaasut arlaqarmata oqaatigissallugu pingaaruteqarpoq, taamaalilluni Savalimmiuniit misilittakkat toqqaannartumik nuunneqarsinnaanaviaratik.

Innuttaasut isertitaasa annertussusaasa assigiinngissuteqarnerat aammalu Kalaallit Nunaanni pisortat annertunerusumik innuttaasunut sullissinernik pilersuisarnerat, soorlu nukissiamik pilersuineq aamma inissianik, akiitsut ineriartornerannuinaangitsoq, kisianni aamma pisortanut akiitsoqalertarnerup sunniuteqarluartumik pitsaaliornissaanut akiliisitsiniarnermi periaatsip qanoq annertutiginnissaanut, annertuumik pingaaruteqartutut isigineqartariaqarpoq.

Innuttaasut pisortanut akiitsui ajorluartumik qaffasissorujussuarmpiippat. Innuttaasut ilaasa aamma ulluinnarni inuuniutissaqarnissaminnut akiligassaminnik akiliinissamut akissaqartannginnerat pissutaanerpaatut isigineqartariaqarpoq. Tamatuma saniatigut ilaatigut eqqartuussisarnermut inatsit aammalu akiliisitsiniartarnermut inatsit akiitsut qanoq akilersinniarneqartarnissaannut arlalinnik killilersuippat, tamannalu aamma akiliisitsiniarnermut periaasissat atorlugit ineriartornerup mumisinnissaata ajornakusoorneranut pisooqataavoq.

Siunnersuummi nassuiaatini nalinginnaasuni nassuiarneqartutut Naalakkersuisut kissaatigaat ilaatigut nuna tamakkerlugu akiitsunut siunnersuisarneq atorlugu aammalu toqqaannarnerusumik isumaginninnikkut siunnerfilimmik suliniuteqarnikkut ineriartorneq akiorniarneqassasoq.

Akiitsut ilai akiliisinnaassuseqannginnermik pissuteqartut naatsorsuutigineqartariaqarpoq, taamaattumik aaqqissuussinerit, soorlu meeqqanut akilersuutitut aaqqissuussineq, akiitsoqalersitsinerusartoq, tunggaviusumiinnerusooq misissornissai isumaqarnerusinnaavoq.

Tamatuma saniatigut Naalakkersuisut assersuutigalugu akileraarutininik qasukkaanertigut il.il. isertitakinnerusunut aningaasaqarnikkut pitsaanerusumik atugassaqalersitsinissaq ukkatariniarpaat, tamannalu aamma akiliisinnaassuseqarnermut pitsaasumik sunniissasoq naatsorsuutigineqartariaqarpoq.

Naalakkersuisut taamaalillutik annertunerusumik akiitsoqalertarnermut pissutaasut sumiissusersinissaat kissaatigaat. Assersuutigalugu meeqqanut akilersuutininik akiliisitsisarnermut akilersuisusaaatitaasup isertitai apeqqutaatinneqalersinnaappat, taamaaliornermi akilersuisusaaatitaasup aningaasaqarnikkut piginnaasaqarnera eqqarsaatigineqarnerussalluni.

Sulisitsisut (GE)

GE-p nuannaarutigalugu paasivaa akiliisarnermut periaaseq, ilanngaassiviup atornerani, naalagaaniarpallaarnerusooq, naalagaaffimmi inatsiseqarfiusumi nutaaliaasumi atorsinnaangitsoq, pisortat tungaanniit nassuerutigineqartoq.

Taamaattumik inatsisip akiliisitsisarnermik periaatsimik atuutsitsilersup atorunnaarsinneqarnissaa GE-p qujaruppa. Tassunga atatillugu ”suliniutissanut allanut, aammalu assigiinngissutigut akiitsunut akilinngitsuukkanut tunngatillugu ajornartorsiutinik assigiinngitsunik pitsaaliuisussanut, atuutilertussanut ...” siunnersuutit GE-p qilanaarai.

Naatsorsuutigineqarpoq suliniutissat nutaat taakkua taamaallaat akiitsunut akilinngitsuukkanut sammitinneqartut, tassani inuit aningaasaqarnerminnik pisortaniit aqunneqarnissamik kissaateqartut taamatut ikiorneqarnissaminnik kissaateqarlutik nammineerlutik oqariartuuteqarsimanngippata.

Suliniutit nutaat taakkua allatut oqaatigalugu inunnut nammineerlutik aningaasaqarnerminnik aqutsisinnaasunut sammitinneQANNGITSUT naatsorsuutigineqarpoq aammalu inunnut suliniuteqarfigineqartussanut Ilanngaassivik atorlugu pisuniit assigiinngisitaarnerujussuarmik aallaaveqartumik tamanna pissasoq, taamaaliornermi akiitsulli aningaasaqarnerat aqunneqassalluni.

Tusarniaanermut akissuteqaat akiliisarfik Ilanngaassivik pillugu Inatsisartut inatsisaata atorunnaarsinneqarnera pillugu Inatsisartut inatsisaannut tapersiinerlut isigineqarpoq, taamaattumik tusarniaanermut akissuteqaat siunnersuummi allannguuteqartitsinissamut pissutissaqalersitsinani.

Inatsimmut siunertaasimavoq periaatsimik innuttaasunik akilinngitsuukkanik akiitsullit pisortanut akiligassaminnik akiliisarnersitsisussamik atuutsitsilernissaa. Akiliisarnermut periaatsimik taamaattumik atuutsitsilernissaq inuiaqatigiinni inatsiseqartuni nutaaliaasuni tunngaviusunut kattunneqarsinnaasimavoq kattunneqarsinnaallunilu.

Atorunnaarsitsinissamut siunnersuummut tunngavilersuutigineqarpoq, Naalackersuisut maannakkorpiaq taamatut periaaseqarnermik atuinissamik kissaateqannginnerat, kisianni tamatumunnga taarsiullugu suliaasaqarfimmi allani suliniutissanik ukkatarinninniartut. Suliniutissatut pisussanut tunngatillugu naatsorsuutigineqarpoq pingaartumik akiitsunut siunnersuineq aammalu isumaginninnermi ilaqutariinnullu suliaasaqarfimmi suliniuteqarneq tassani pineqassasoq, taamaattumik suliaasaqarfimmi taakkunani suliniutissat naleqquttut, siunnersuummi nassuiaatini nalinginnaasuni nassuiarneqartut, innersuussutigineqarlutik.

Ineqarnermut Attaveqaasersuutinullu Naalackersuisoqarfik (IANN)

Inatsisissatut siunnersuummut nassuiaatini kapitali 3-mi allasimavoq inatsisip atorunnaarsinneqarnera imminermi allaffissornikkut imaluunniit aningaasaqarnikkut sunniuteqassanngitsoq.

IANN-ip tassunga tunngatillugu oqaatigissavaa 2020-mut Aningaasanut inatsimmi, kontumi pingaarnermi 82.24.01 Akileraartarnermut Aqutsisoqarfimmi allaffissornikkut periaatsit il.il., suliaasaq nr. 996.90.026 Ilanngaassivik, katillugit 3,0 mio. koruunit aningaasaliissutigineqarmata.

Inatsisip atorunnaarsinneqarnerani aningaasaliissutit taakkua allanut atugassanngortineqarsinnaapput aammalu siunertanut allanut nuunneqarsinnaalissallutik. Tassunga tunngatillugu, tassungalu atatillugu oqaatigineqassaaq Akileraartarnermut Aqutsisoqarfik 2022-mi ilassutitut aningaasaliissutinik qinnuteqaammik nassiuussilersaarmat, tamatumarpiaq qinnutigineqarneranik imaqartumik – tassalu aningaasat Ilanngaassivimmut immikkoortinneqartut kontup pingaarnep taassuma iluani suliaasanut allanut nuunneqassasut.

Kapitali 3-p, Aningaasaqarnikkut sunniutaasussat, ataani inatsisissatut siunnersuummut nassuiaatini tamanna allasimasariaqarnerasoq isumaliutersuutigineqassasoq IANN-ip inassutigaa.

Aammattaaq kapitalimi tassani allassimavoq:

”... akiliisarfiup ineriartortinneqarneranut, atuutsinneqalerneranut ingerlanneqarneranullu aningaasartuuteqarnissaq naatsorsuutigineqaralarpoq. Tassunga ineriartortitsinermut atuutsitsilernissamullu tiguisinnaatitaanissamut 26 mio. koruunit immikkoortinneqarput ...”

IANN-ip tassunga tunngatillugu oqaatigaa suliassami siusinnerusukkut taaneqartumi taamaallaat 3,0 mio. koruunit immikkoortinneqartut, taamaattumik 26 mio. koruunit sinaakktissat taakkua ilisimaneqanngitsut aammalu Sanaartugassanut Iluarsagassanullu Aningaasaateqarfimmi immikkoortinneqarsimanatik.

Tamatuma iluarsineqarnissaa imaluunniit tamanna pillugu immikkoortumi allatut oqaasertalerneqarnissaa IANN-ip inassutigaa.

IANN siunnersuummut tassungaluunniit nassuiaatinut allanik oqaaseqaatissaqanngilaq.

Tusarniaanermut akissuteqaat siunnersuummut nassuiaatini immikkoortoq 3-p erseqqissarnissaanut pissutissaqalersitsivoq. 26 mio. koruuninut sanaartugassanut iluarsagassanullu aningaasaateqarfimmi immikkoortinneqarsimannngitsunut tunngatillugu, aningaasat taakkua Akileraartarnermut Aqutisoqarfimmut tiguisinnaatitaanertut aningaasaliissutigineqarput, tassami periaatsimik ineriartortitsineq atuutsitsilernerlu naggataatigut pisortani oqartussani periaatsimik atuisussani atuinermut akiliutitigut aningaasalersorneqartussaasimammat.

Sanaartornermut aningaasaliissutini aningaasat sinneri ilassutitut aningaasaliissutinik qinnuteqaateqarnikkut akileraartarnermut ingerlatsiviup suliassaqrifiisa iluanni suliassanut allanut nuunneqarnissaat naatsorsuutigineqarpoq.

Meeqqanut, Inuusuttunut Ilaqutariinnullu Naalakkersuisoqarfik

Meeqqanut, Inuusuttunut Ilaqutariinnullu Naalakkersuisoqarfik siunnersuummut oqaaseqaatissaqanngilaq, kisianni pisortanut akiitsut ikilisinneqarnissaannut atatillugu akiitsunut siunnersuisarnerup ukkatarineqarnerulernera pitsaasorujussuurtut isigalugu.

Tamanna pingaartumik ilaqutariinnut ajornartorsiortunut meerartalinnut, siunissami ilaqtuminnik pilersuinissamut aningaasaateqarnerulertussanut, iluaqutaasussaavoq. Tamatuma saniatigut angajoqqaat akiitsuminnik akileereernerminni siusinnerusukkut pisartutut aningaasaqarnertik aarlerissutigiunnaassavaat. Tamanna taamatutaaq meeqqanut, nukissaqarnerulerlutik nuannaarnerulersunik angajoqqaartunut, iluaqutaassaaq.

Tusarniaanermut akissuteqaat allannguuteqartitsinissamut pissutissaqalersitsinnngilaq.